

Broj: 03-04-709-12/25
Sarajevo, 26.05.2025. godine

PARLAMENT FEDERACIJE BOSNE I HERCEGOVINE ✓
Zastupnički dom
n/p gosp. Draganu Miokoviću, predsjedatelju

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 28-05-2025			
Org. jed.	Broj	Priloga	Vrijedn.
05/1	-02-	163	/25

Predmet: Odgovor Vlade Federacije Bosne i Hercegovine

Poštovani,

Sukladno članku 11. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24), u privitku akta dostavljam Vam Odgovor Vlade Federacije Bosne i Hercegovine na zastupničko pitanje u svezi s dostupnosti lijeka Clexan za trudnice u Federaciji Bosne i Hercegovine, koje je postavio zastupnik Dennis Gratz na 19. redovitoj sjednici Zastupničkog doma Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 55. sjednici, održanoj 26. svibnja 2025. godine.

S poštovanjem,



CO: FEDERALNO MINISTARSTVO ZDRAVSTVA
n/p gosp. Nediljku Rimcu, ministru

ZAVOD ZDRAVSTVENOG OSIGURANJA I REOSIGURANJA FEDERACIJE BOSNE I HERCEGOVINE
n/p gđi Vlatki Martinović, v.d. direktoru

VLADA

ВЛАДА

BOSNIA AND HERZEGOVINA

FEDERATION OF BOSNIA AND HERZEGOVINA

GOVERNMENT

Na temelju članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21) i članka 11. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24), nakon razmatranja zastupničkog pitanja u svezi s dostupnosti lijeka Clexan za trudnice u Federaciji Bosne i Hercegovine, a koje je postavio zastupnik Dennis Gratz na 19. redovitoj sjednici Zastupničkog doma Parlamenta Federacije Bosne i Hercegovine, Vlada Federacije Bosne i Hercegovine je na prijedlog Federalnog ministarstva zdravstva, na 55. sjednici održanoj 26. svibnja 2025. godine, utvrdila sljedeći

ODGOVOR

Federalno ministarstvo zdravstva u cilju što bolje dostupnosti svim kategorijama pacijenata uvrstilo je Clexan (enoksaparin) otopinu za injekcije na listu lijekova u bolničkoj zdravstvenoj zaštiti Federacije BiH i to u jačinama od 20 mg/0,2 ml; 40 mg/0,4 ml, 60 mg/0,6 ml; 80 mg/0,8 ml i 100 mg/ml.

Lista lijekova u bolničkoj zdravstvenoj zaštiti obavezna je za sve kantone, obavezan je sadržaj liste lijekova u bolničkoj zdravstvenoj zaštiti za područje kantona tzv. kantonalna bolnička lista lijekova.

Lijekovi sa liste lijekova u bolničkoj zdravstvenoj zaštiti koji se mogu propisivati i izdavati na teret sredstava obaveznog zdravstvenog osiguranja kantona donosi vlada kantona na prijedlog kantonalnog ministra zdravstva.

Režim izdavanja za lijekove iz heparinske grupe lijekova koji je odobren od strane Agencije za lijekove i medicinska sredstva BiH je: „Lijek se upotrebljava u zdravstvenoj ustanovi sekundarnog ili tercijarnog nivoa, izuzetno se izdaje na recept za potrebe nastavka bolničkog liječenja“. Ovako propisan režim izdavanja svrstava ove lijekove na bolničku listu lijekova, dok lijekovi na Listi lijekova obaveznog zdravstvenog osiguranja u Federaciji BiH imaju režim izdavanja samo na liječnički recept.

Lista lijekova u bolničkoj zdravstvenoj zaštiti Federacije Bosne i Hercegovine je, sukladno članku 8. Zakona o lijekovima („Službene novine Federacije BiH“, broj 109/12) obavezna za sve kantone, te je obavezan sadržaj ove liste lijekova za područje kantona kroz donošenje kantonalnih bolničkih listi lijekova. Kantonalna ministarstva zdravstva i kantonalni zavodi zdravstvenog osiguranja treba da obezbijede bolju dostupnost lijekovima koji su potrebni trudnicima kao nastavak bolničkog liječenja.

Obzirom na odobreni režim izdavanja ne postoje smetnje propisivanja i izdavanja lijeka pacijenticama na primarnom nivou unutar kantona.

V. broj: 882 /2025
26. svibnja 2025. godine
Sarajevo

